



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, , den 02/12/2021

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Bannenzeg Sécherheet & Öffentlech Aarbechten weiderzeleeden.**

A verschidde parlamentareschen Froen (n°4773, 4483, 2675, 676) sinn d'Deputéiert op den Ofstellproblem vun immobiliséierten Autoen am Süden vum Land agaangen. De Problem ass, dass der Police aktuell d'Plaz feehlt, fir immobiliséiert Autoen ofzeschleefen, wat dozou féiert, dass dës Autoen op der Strooss bleiwen. Wéi d'Ministèren an enger Äntwert op eng vun de de parlamentaresche Froe schreiwen *"sicht d'Police an Kooperatioun mat der Administration des Bâtiments publics zesummen no enger gudder Alternativ - rezent Iwwerleeunge bestinn, fir déi Fourrière am Beraich vum Rond-Point Raemerich zu Esch Belval ze aménagéieren."* Dat Gantz schénkt awer net esou einfach ze sinn, well, wéi d'Ministèren op d'Fro n°2675 geäntwert hunn: *"Eng temporaire Leisung fir dei ganz Regioun Sud-Quest vum Land ass schweier ze fannen well se grouss, ofgesechert, iwwerwaacht an no genuch beim concerneierte Service misst sinn."*

Eng vun de Léisungen, déi um Dësch leit a vum Minister présentéiert gouf, wier eng temporär Fourrière zu Rolleng am Lieu-dit "Am Plon". An der Pétenger Gemengerotssëtzung vum 22ten November 2021 (Procès-verbal ze fannen op [https://www.petange.lu/fr/Pages/20211122\\_Seance-du-conseil-communal.aspx](https://www.petange.lu/fr/Pages/20211122_Seance-du-conseil-communal.aspx)) ass vu säite vum Buergermeeschter awer ze héieren, dass dës Site u sech net fir eng Fourrière gëeignet wier. Och dësen Terrain ass weder ofgesechert, nach iwwerwaacht.

An deem Zesammenhang wéilt ech de Ministeren dës Fro stellen:

1. Gouf d'Optioun vun der Fourrière zu Rolleng als Léisung zeréckbehalen?
  - Falls net, wéi sou net?
  - Falls jo, wéi gëtt den Terrain ofgesechert?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)